

Guangjshih Minzcuz Bau

ganhhau: CN45-0036 B.2019 Nd.11 Ng.6 liggaeuq geijhah nienz ndwencib cocib

广西民族报

(壮文版)

主管主办: 广西壮族自治区

区民族宗教事务委员会

编辑出版: 广西民族报社

出版期数: 总第 3398 期

Vujcon Cin Langhbaij Fwen Song Vah Doxhuz Geiqniemh Baksaek Gijyi 90 Hopbi Guhsat

Bineix dwg Baksaek Gijyi 90 hopbi. Vih geiqniemh gij goenglauz banlauz gwzming, fatyengz gwzming conzdungj miznaj caeuq Baksaek Gijyi cingsaenz, mbouj lumz goeknduj, geiqmaenh sawj-mingh, ndwen 10 ngoenz 23 banhaemh, aen hozdung langhbaij fwen song vah doxhuz geiqniemh Baksaek Gijyi 90 hopbi youq Dunghlanz Yen Vujcon Cin Vwnzva Gvangjcaengz banh, hozdung youz Swcigih Minzcunghvej cawjbanh, Dunghlanz Yen Vujcon Cin Yinzminz Cwngfuj, Yen Minzyijgiz ciepbanh. Bak lai boux bouxyaez fwen gak mbanj Vujcon Cin caeuq yanghein henzgyawj

caeuq aen doih yienjheiq gaenxmaenx cujciz cezmuq camgya baijyienj, yienhciegz miz 600 lai vunz yawj yienjok.

Camgya hozdung langhbaij miz 12 cuj(hot) Cuengh, Gun, Yauz daengj vah guekgya doengyungh caeuq fwen vah minzcuz vunznoix, doiq fwen Cuengh, Gun song vah 《Yienghndei Seizdaih Vangz Vwnzsiu》, daihhabciengq banj Cuengh, Gun song vah 《Gou Caeuq Guekcoj Gou》 daengj, neiyungz nangq-daengz Baksaek gwzming lizsij, gij gojgaeq hawj vunz gamjdoengh gwzming senhleiz hoenx ciengq, lwgminz Vujcon

Cin youq mwh hoenx ciengq guh'ok gunghen youqgaenj, gij saehsaed yienghndei seizdaih Vangz Vwnzsiu, gij cingzcih hung Vujcon Cin ginghci ndawbiengz hwngfat daengj. Daengx aen hozdung langhbaij gaemgaenj cawjdaez, daengx ciengz yienj gij yaem'wenq gyaez guek baenaj goksadsad, yienh-cienz yinx ndaej bouxyawj dopfwngz haenh, gangjok gij siengjmuengh ndei lwgminz Vujcon Cin hohfuk Cungguek moq laebbaenz 70 hopbi, geiqniemh gij gwzming lizsij ronghlwenq Baksaek Gijyi.

(Cangh Haijyingh)

Sanhgyangh: Ngaizhumx Miz Daegsaek Mbanjdung Yinx Hek Lai



Ndwen 11 ngoenz 1, Sanhgyangh Dung-cuz Swciyen Mbanj-yezyej Mbanjdung banh ciengz nduj "guh hek · Sanh-gyangh" gwn ngaizhumx, yungh doiq fwen coux hek, cimz gijgwn miz feih Dungcuz, daejniemh feihyiz, caij din venz daengj hozdung gig miz daegsaek haenx langhbaij gij vwnzva gijgwn miz daegsaek Dungcuz, yinx ndaej haujlai vunz daej yawj daejniemh. Ndaw doz dwg beix-nuengx Dungcuz gingq laej hawj bouxhek.

(Vuz Lanyinh/吴练勋)

Sihlinz: Depgyawj Vunzlai Gangj Coi Vut Gungz

Bineix doxdaej, Sihlinz Yen doenggvaq haiguh "doxdax cihsiz" "banhaemh gangjgoj" "ciendaeg gangj" "yienjheiq senhconz" "sam fueng raen-naj" daengj hozdung bak gangj, haenq-rengz senhconz gyauyuz, ywbingh, ranzyouq, canjniel daengj fuengmienh banggunz cwngcwz caeuq gij gojgaeq vut gungz okhingz, gingniemh cwngzgoj, gikfat vunzlai gungzhoj gag gaenxguh, gyagiengz gij heiqdaej vunzlai gungzhoj vut gungz, demgya gij cingzgeih ganbu banggunz caeuq vunzlai. Daengz seiz-neix, aen yienh neix gungh haiguh gak hangh hozdung bak gangj 360 lai ciengz,

leih daengz 5.9 fanh vunz.

Aen yienh neix 99 aen yenciz danhvei cawjdoengh gapdoiq 94 aen dangjcihbu mbanj lienzhaeh, hopheux gak hangh fuengcim cwngcwz, aeu dangzgoq buen daengz gyanghongh ranz vunzguhnaez, gyang reih gyang naz, yungh vahdeihfueng vahdoj gangjgej, hawj dangjyenz itsienq gij aeuyungh lijun cei moq ndaej habhoz. Doengz-seiz, cingj bouxak baenz miz dangdieg hwnj daiz son gingniemh baenz miz, bang vunzlai gungzhoj hag rox, loengh rox gak hangh cwngcwz leih vunzguhnaez, caenh' itbouh siucawz gij ngeixnaemj

"deq baengh aeu".

Youq mwh gangj, aen yienh neix laeb miz hothoh doxcam doxhoiz, lumj baenzlawz hwngfat canjniel, baenzlawz bauq mizgven cwngcwz caeuq saedyienh cienjsen couhnieb daengj vwndiz dang-cienz gejdap hawj vunzlai gungzhoj, caemhcai aeu gij hozdung gangj caeuq son'gyauq canjniel banggunz dox giethab, vih gyoengq nungzhoh soengq bae gij cihsiz moq, gingniemh moq, fuengfap moq hwngfat canjniel daj-ndaem dajciengx, vih bangrengz canjniel vut gungz miz gij cozyung doi-doengh gaenxmaenx.

(Veiz Susez)

SIUSIK DINJ

● Ndwen 10 ngoenz 26, Liujcouh Si Liujbwz Gih Cangzdangz Cin Sihliuz Cunh Mbanj-lungzdangz cingj aen doih aenvenz Yungzsuij Ganjdung Yangh Mbanjyauz-gau Mbanjmyauz bae daengz ndaw mbanj "guh doengznienz", doenggvaq caij din venz, beng gyong, cimz gijgwn ndei Lungzdangz daengj hozdung gyalai gij cingzgeih minzcuz doxgiat.

(Cinz Yiz)

● Denzlinz Yen haenqrengz doicaenh aen gunghcwngz vwnzva leih lwgminz, hawj gij ndwen-ngoenz seizhoengq vunz-lai ndaej bienq lai. Bineix doxdaej, aen yienh hwnjguh le 115 aen hanghmoeg vwnzdij sez-sih, cujciz haiguh gij vwnzdij hozdung lai cungj lai yiengh.

(Siz Swngfhuj)

● Ndwen 10 ngoenz 26, Gunghcwngz Yauzcuz Swciyen banh ciet mak-ndae Gveilinz Gunghcwngz gaiq daihcibroek. "yungh ciet guh moiz, lai gyau baengzyoux, vwnzva dapdaiz, ginghci ciengq heiq", Gunghcwngz doenggvaq ciet makndae yienj, langhbaij gij minzsuz vwnzva Yauzcuz lai yiengh, bangdoi gai doxgaiq reihnaz ndei bonjdieg, gyalai vunz-guhnaz souhaej.

(Lij Mouyangh)

● Mboengqneix, Binhyangz Yen Gujlaiz Cin Aen Ginggih Rang Haeuxnaz banh langhbaij feihyiz hanghmoeg, biuj-yienj minzsuz vwnzyi daengj hozdung, yinx ndaej baenz fanh bouxhek daej yawjngonz. Youq ndaw ginggih bouxhek mboujdan ndaej yawj yienjheiq, haeuj-gyawj yawj guh liengj-ceijyouz, gang'vax, lij ndaej daejniemh haizgieg raez, dwkdomq daengj hanghmoeg gig miz minzsuz daegsaek haenx.

(Goz Saudungh)